

Uspješno uspostavljen notarski sistem u BiH

BANJALUKA - Projekat uspostavljanja notarskog sistema u BiH je u potpunosti uspio, uz harmonizaciju svih propisa u ovoj oblasti, ocijenio je ministar pravde RS Džerard Selman.

Selman je, nakon svečane akademije povodom prijema notarskih komora RS i FBiH u Međunarodnu uniju latinskog notarijata, rekao da sada na nivou BiH postoji jedinstven sistem bodovanja notarskih usluga, što je rezultat harmonizacije entitetskih zakona.

Govoreći o smanjenju notarskih naknada u RS, Selman je rekao da se određenim izmjenama internih akata Komore i Ministarstva može dovesti do smanjenja troškova za korisnike notarskih usluga do 10 odsto. On je dodao da Ministarstvo ima inicijativu da se notarske nadležnosti prošire na dio vanparničnog postupka koji se odnosi na ostavin-

ske rasprave i izvršnog postupka u komunalnim predmetima, što bi dovelo do rasterećenja sudova.

"Teško ćemo doći do rješenja da se dio izvršnog postupka izvuče iz sudova i prenese notarima, ali imamo dobru praksu iz susjednih zemalja", rekao je Selman.

Irena Mojović, predsjednica Notarske komore RS, rekla je da je uspostavljanjem Komore otvoren put jačanju pravne države i vladavine prava, te uvođenju pravne sigurnosti kod građana i privrede.

Čestitka
Milorad Dodik,
predsjednik RS,
čestitao je
predstavnicima
notarskih
komora RS i FBiH

nosti kod građana i privrede.

Prema riječima predsjednika Međunarodne unije latinskog notarijata Žan-Pola Dekorpa, prijem BiH u ovu organizaciju predstavlja bitan korak u približavanju EU, a rad notara povećaće javnu bezbjednost.

S druge strane Milorad Dodik, predsjednik RS, čestitao je juče predstavnicima Notarske komore RS i Notarske komore FBiH što su primljeni u Međunarodnu uniju notara i izrazio uvjerenje da će ulazak u ovu asocijaciju i saradnja s notarskim udruženjima u regionu omogućiti da dodatno unaprijede profesionalnost i efikasnost svog rada. Dodik je tokom prijema za notare naglasio da su u RS stvorene zakonske i druge pretpostavke za transparentan i nezavisan rad notara, koji su svojim djelovanjem opravdali uvođenje notarijata u pravni sistem. (Agencije)